

## KALAGDAAN SA PAGGAMIT SA SEMENTERYO

22 April 2017 Japanese Association Cebu, Inc.

### 1. KABAHIN SA SEMENTERYO

Kini nga sementeryo o luna para lubnganan gipanag-iya ug gidumala sa Japanese Association Cebu, Inc.

Pangalan : Japanese Association Cebu, Inc. Cemetery  
Lugar : Calero Memorial Estates Cebu  
Gibutangan : Perpetual Care Memorial Park  
Lilo-an, Cebu, Philippines

### 2. PUNOAN NGA KALAGDAAN SA PAG-GAMIT, PAGPATUNHAY UG PAG-ATIMAN SA SEMENTERYO

- Kung ang usa ka langyaw nga Hapones mamatay sa lugar nga nahisakop sa rehiyon sa Visayas, kon walay talagsaon nga rason nga angay tagaan ug pag-tagad, mahimo siya nga malubong sa maong sementeryo bisan pa man dili siya miyembro sa Asosasyon.
- Sa pagtugot sa Konseho nga nagdumala sa Asosasyon, ang maong sementeryo pwede sad mahimong malubnganan sa lehitimo nga esposo o sa kadugo nga paryente sulod sa primerong ang-ang sibil (kini mao ang anak o ginikanan).
- Ang pangpatunhay ug pag-atiman sa sementeryo responsibilidad sa Konseho nga nagdumala sa Asosasyon.
- Ang gastohan sa pagpatunhay ug pag-atiman sa sementeryo adto kuhaon sa Konseho gikan sa mga bayad nga nakolekta sa mga aplikante sa pagpalubong ug sa kinatibuk-ang kontribusyon.

### 3. KLASE SA ILUBONG

- Ang maong sementeryo gigahin lang para sa paglubong sa abo sa patay.
- Ang abo nga gisulod sa urna nga may sukod nga dili molapas sa 25cm (W) x 25cm (L) x 25cm (H) mahimo lamang malubong human ma-aprobahan sa Konseho ang gisubmitar nga aplikasyon didto sa Asosasyon.

### 4. APLIKASYON SA PAGPALUBONG UG BAHIN SA PAG-UYON

- (1) Ang Asosasyon ang modawat sa mga aplikasyon.
- (2) Ang aplikante mopirma sa aplikasyon inubanan sa pirma usab sa usa ka miyembro sa Asosasyon.
- (3) Isulat sa aplikante ang pangalan sa namatay, petsa sa natawhan, permanente nga pinuy-anan, presente nga pinuy-anan, edad, pangalan sa paryente ug relasyon, hinungdan sa kamatayan, ug uban pa.
- (4) Isulat sad sa aplikante ang iyang pangalan, presente nga pinuy-anan, contact address (telepono, email address), iyang relasyon sa namatay, ug uban pa.
- (5) Ilagda sa aplikante ang iyang pirma sa bahin sa pag-uyon diin nakasulat nga "Ang Japanese Association Cebu, Inc. dili mahimo moaku ug bisan unsa nga responsibilidad sa bisan unsa nga utang o tulubagon sa namatay."

### 5. KONTRIBUSYON SA GASTOHAN SA PAGPATUNHAY O PAG-ATIMAN SA SEMENTERYO

- Sa pagduso sa aplikasyon, mobayad ang aplikante sa bayranan sa pagpahimo sa lapida ug mohatag siya sa kontribusyon para sa pagpatunhay ug pag-atiman sa sementeryo. Mohatag ang Japanese Association Cebu, Inc. ug resibo sa pagmatuod nga nadawat ang gibayad nga kuwarta.
- Ang kantidad sa kontribusyon magdepende human ikonsiderar ang sitwasyon sa pagpuyo sa dihang buhi pa ang namatay. Kini nga kantidad magsugod sa PhP5,000 hangtud PhP50,000.
- Ang desisyon sa Konseho sa pagtugot sa pagpalubong dili ma-apektahan sa kadak-on o kagamyon sa kantidad sa kontribusyon..

### 6. MGA GIKINAHANGLAN NGA ILAKIP NGA DOKUMENTO NGADTO SA APLIKASYON

Ang mga kinahanglan nga ilakip sa aplikasyon:

- (1) Kopya sa pasaporte sa namatay nga Hapones. Kung esposo sa Hapones ang namatay, ilakip ang ilang Marriage Certificate. Ug kung kadugo nga paryente sulod sa primerong ang-ang sibil (kini mao ng anak o ginikanan), ilakip ang usa ka publiko nga dokumento.
- (2) Resibo sa pagdawat nga gi-issue sa Japanese Association Cebu, Inc.

### 7. PETA SA PAGLUBONG UG LIBRO SA TALAAN SA GILUBONG

- Ang petsa sa paglubong madesisyonan human sa pagkonsulta sa aplikante ngadto sa Konseho, Tambungan sa Konseho ang lubong.
- Kung gusto sa aplikante nga anaay pag-ampo, incienso, ug halad sama sa bulak ug tubig, kinahanglan iya kini ipahayag didto sa tumong nga espasyo sa porma sa aplikasyon.
- Ang aplikante mismo ang mangandam ug mogasto kabahin niini.
- Ang Japanese Association Cebu, Inc. ang mopreparar ug permanente nga motipig sa libro nga talaan sa mga gilubong (Pwede kini nga matan-aw kung naay pagtugot sa Konseho.)

### 8. LUBONG

- Ang aplikante mismo ang mangunay ug andam sa mga gikinahanglan nga papeles, paglakaw niini ug pagbayad sa bayranan sa paglubong ug pagpatrabaho sa lubnganan ngadto sa opisina sa nagdumala sa memorial park.
- Ang bayranan sa lubong ug pagpatrabaho sa lubnganan ibayad ngadto sa opisina nga nagdumala sa memorial park. Lahi kini sa bayranan nga kontribusyon para sa pagpatunhay ug pag-atiman sa sementeryo.

### 9. PAGTRATAR HUMAN SA LUBONG

- Human sa paglabay sa ika 13 nga tuig sa pagkamatay (sa pag-ihap, ang petsa sa pagkamatay mao ang unang tuig), pinaagi sa desisyon sa Konseho, segun sa na-una, ang abo sulod sa urna balhinon para tigumon didto sulod sa dako nga lubnganan.

### 10. TINUIG NGA KALIHUKAN UG AKTIBIDAD SA KONTRIBUSYON

- Sa mga haduol sa petsa o sa adlaw mismo sa Spring Equinox day ug sa Autumnal Equinox Day, ang Japanese Association Cebu Inc magpahigayon ug seremonya sa paghinumdom sa mga namatay. (kini ilantala sa Cebu-tou Newsletter ug sa homepage sa Japanese Association Cebu Inc.)
- Siguraduhon sa Konseho nga ang gastohan sa pagdumala sa sementeryo sama sa ayuhonon o pag-patunhay niini kuhaon lamang didto sa nakolekta nga kontribusyon ug dili gikan sa panuig nga budget sa Asosasyon.

### 11. UBAN PA

- Kung adunay butang nga mosumpaki o dili mahi-uyon niini nga kalagdaan, magtigum ang Konseho para pag-lantugi kabahin niini. Kini nga kalagdaan pwede ma-usab bisan walay na-una nga pahibalo.
- Ang na-usab nga parte niini ilantala didto sa Cebu-tou Newsletter ug sa homepage sa Japanese Association Cebu Inc.